



3450

RAT. KOMP

Mag. St. Dr.

P


univ. Univ. Jagell.

i. Philosophor.

1704 15 martii

Poona 2936

Gładyszowski Casimirus: Asylum Reginae Sapientiae
entiae in festo vero 18. V. d. d. primae
laureae Candidatus electus.



ASYLUM 54
REGINÆ SAPIENTIÆ,
INFESTO ÆVO,
IX. VV. DD. PRIMÆ LAVREÆ CANDIDATIS
ERECTUM,

ac dùm ijdem

PER

Clarissimum & Admodum Reverendum D.
M. CASIMIRUM
ZRZODLINSKI,

Phil: Doctorem & Professore, Collegam Minorem, Sancti ADALBERTI in Circulo Crac:

PRÆPOSITVM,
IN AVGVSTA D. IAGELLONIS AVLA,
ARTIVM & PHILOSOPHIÆ BACCALAVREI,
in florentissima Illustrium Hospitum Corona,
Ritu Solenni renunciarentur,

PER

CASIMIRVM GLADYSZOWSKI,

Ejusdem Laureæ Candidatum,

Pennâ plaudente

DEMONSTRATUM.

Anno per Incarnatum Verbum positi ASYLI,

1704. 15. Martij.



C R A C O V I Æ,

Typis NICOLAI ALEXANDRI SCHEDEL S. R. M. Ord: Typ:

IN GENTILITIVM
S T E M M A
Perillustreis & Adm: Reverendi Domini.



UNIVERSITATIS
VNI. MAGELL.
GRACVIENSIS

3450 III

---- E medio fortunæ ductus ACERVO: *Iuven:*
-- Ego composito securus ACERVO
Dites despiciam, despiciamq; famem. *Tibul:*
Colliget ista manus Te fructificante manîplos
De quibus ipse Tui, componas horrea Cæli.
Arator.



Perillustri & Adm. Reverendo Domino.

D. THEODORO STANISLAO ZIELONACKI,

Philosophiæ Doctori, Ordinis S. BENEDICTI,
CONGREGATIONIS TYNECENSIS;
PRIORI & CVSTODI
DIGNISSIMO.



*Inter horrida Gradivi Classica, & nefastos bel-
lorum tumultus, ubi securius pupillæ Musæ invenire va-
leant ASYLVUM, quàm in sinu amplissimi favoris Tui
Perillustri & Admodum Reverende Domine. Io-
ves enim Statores & Conservatores, columnas & firma-
menta veritatis, universalis Ecclesia, magni BENEDICTI
Filios (quorum, Tu apex & Corona existis,) semper ve-
nerata est. Exul olim in Orbe suæ ruditatis conscio Mi-
nerva, ubi singulare perfugium, decus, & tutamen, reassumpsit, nonne in Familia
BENEDICTINA? quæ per Doctissimos in vrâq; scientia Viros, tot Athenas fundavit.
Ipse Apollo iterum bubulcum egisset; nisi Celeberrimi Divinæ humanæq; sapientiæ
Antistites BENEDICTINI, honorem ipsius restituisent. Parnassus & Helycon suis de-
stituti Numinibus, squallorem suum non alibi, nisi in Monte Cassino novo Camæna-
rum Pindo, in quem omne decus collectum est, orbis totius conscientia renunciantes,
deponere visi sunt. Steriles olim Polonorum Campi, deserta sua, tot sapientiæ o-
raculis diserta, vestro adventu effecere. Nempe Trynetiam illati Aurei Trypodes
PIO CASIMIRO Auspice non unam Dodonam, sed centum Delphos fundaverunt.
Nec aliud rudis illa, indigestaq; moles indocti populi, vitæ spiraculum asequi potuit,
quam quod per tria & amplius secula Altissimi Numinis Vicarij BENEDICTINI inve-*

xere. Porro universam hanc laudum congeriem, Tu Perillustri & Admodum Reverende Domine, Almo eruditissimi animi tui sinu complexus es. Si Orthodoxæ Veritati Metempsychosin admittere liceret; certe ingentem illum Patru Tui Spiritum in Te transmigrasse crederemus. Quæ ipse cedris immortalibus dignissima egit, Tu, novis Pietatis, Prudentiæ, Eruditionis, auctoramentis instauras. In publica Orbis calamitate, sub cuius pondere immenso, etiam Atlantes & Alcidas fatiscere videmus, Te, velut Marpesiam caute Capitolijs, immobile saxum stare, non sine stupore & extasi animorum contemplamur. Trynecia rupes firmamentum BENEDICTINÆ Sanctitatis, Te iterum suum Præstitem elegit; ut fortitudine Tua Invictissima fulciretur. Scilicet, qui alijs præesse & prodesse desiderat, Illi robur & æs triplex virtutum, omnino necessarium esse omnium bonorum Iudicio censetur. Sed vota hæc, quis felicius coronare? quis auspicius desideria implere potuit? quam mens Tua tersissima? quam gemma illæ inestimabiles rectitudinis, quibus pretium ingens domi forisq; meruisti. Activæ & Contemplativæ vitæ Canon & Exemplar, hoc Magni Patriarchæ Inclytis Filijs præstas, ut Te certatim emulando, Charismata meliora, vel imitari, vel admirari cogantur. ACERVVS Tuus Gentilitius Omnium virtutum copiâ & alimonia Cælesti opulentus, Divinæ Providentiæ penu, egentibus ASYLUM est, & sortis adversæ perfugium. Vacuum depingit posteritas; utpote ex quo, non uno ævo pabulum & desideratissima commoda accipiunt universi. Quare & Iagellonica Camenæ, tot Archicænobij Tui favoribus auctæ, ut securiores nefasto sæculo permanere possint; ad Virtutis Tuæ ASYLUM contendunt. Recipe illas illo animo, quo omnes Literatos amplecteris. Hierarchicus illarum numerus est; Choros Angelicos in Tua mente doctissima resonantes, & merorem publicum solantes designans. Quidquid in earum commodum erogaveris, eternum servabis: quia pro Te orabunt ut vivas Immortalis. Hoc cum ipsis precatur.

Perillustri & Admodum Reverendæ
Dominationi Vestræ.

Devotissimus Servus & Client.

CASIMIRUS GLADYSZOWSKI
Primæ Laureæ Candidatus.



D. JOANNI CANTIO

Sacræ Theol: Doct: & Professori
Regni Poloniæ Patrono:

SACRO ASYLI PRÆSIDI,
fortissimo publicæ securitatis
ASSERTORI.

CARMEN VOTIVUM.

R Ama celer vastas mundi subvecta per Oras,
Define Romulidum tabulâ jactare capaci
Arces; nec tumidus genius demonstret ASYLUM,
Romulus immodico quod struxit belliger ausu:

Quò fugit scelerata diu latuitq; caterva,
Ac vbi duntaxat fuerat scelus vndiq; tutum.

Hic non Assaraci trux Sanguinis Ilia Mater,
Sed Divûm veneranda Parens, Berecynthia felix
Progenuit Natum: Cracij Regina Lycæi,
Præside quo Sacrum securè staret ASYLUM:
CANTIVS ô niveæ mentis! Protector abundè
Præsidium vobis, gladios vibrante Gradivo,
Præstabit, vigilans Custos & Tutor ASYLI.

O quot morbus atrox lethali vulnere fixit!
Quot Libitina homines fatali falce peremit!
Quot desperatos inter moritura timores

Agmina luctifico plorabant funera lessa!
Ast ubi circumdant ferventia vota IOANNEM,
Diffugiunt morbi, mortes pelluntur; ASYLUM
Inveniunt cuncti, quod præstat CANTIVS, Almus.
Quando igitur Lechicum sævit Bellona per Orbem,
Et secura quies Thulen transgressa; reliquit
Sarmaticum Populum prædam spoliūq; rapaci
Martigenū dextræ, nulli quæ parcere novit:
O animæ tremulæ! contendite Busta IOANNIS
Obsequio redimire novo; venerarier omnes
Sollicitis Divūm precibus. Pater Inclyte, pressos
Mille malorum Æthnis ac Vitæ mille periculis
Proteges sis nostrum scutum, tutamen, ASYLUM.
Ah redeat tandem niveis provecta quadrigis
Aurea pax, Lechicos Campos optata revisat
Hospes hyperboreis, ô quàm rarissima terris.

PRÆSTANTISSIMIS AD ASYLUM REGINÆ
SAPIENTIÆ DVCTORIBVS,

CLARISSIMIS & ADMODVM REVERENDIS DOMINIS
DD. EXAMINATORIBVS.

CLARISSIMO & ADMODVM REVERENDO DOMINO,
D. PETRO LVZENSKI,
Philosophiæ Doctori, Collegæ Majori, Regio Professori, Eccle-
siarum, Collegiæ S. ANNÆ Crac: Canonico, in Sie-
praw Curato, interea Facultatis Philosophicæ DECANO.

CLARISSIMO & ADMODVM REVERENDO DOMINO,
D. GABRIELI PROFECKI,
Philosophiæ Doctori, Collegæ Majori, Regio Professori, Ec-
clesiarum Collegiæ S. ANNÆ Crac: Cano-
nico, in Michałow & Zbrzydowice Curato.

CLA-

CLARISSIMO & ADMODUM REVERENDO DOMINO,
D. SIGISMUNDO LISOWIC,
Philosophiæ Doctori & Professori, Collegæ Minori, Cursûs Phi-
losophici Vladislaviani Professori, in Nawarzyce CURATO.

ODE EVCHARISTICA.

Haud placet Ductor, Cui grande Nomen
Non dedit virtus, redimita Lauro
Et cui Pallas renuit quietos
Ferre triumphos.

Quid juvat pompa titulus superbus?
Casarem cæsis populis vocari
Gloria quodnam meritum secutum?
Horrida cædes,

Heu nimis duro satiate ludo!
Urbium servus populator, Orbis
Efferus prædo, rosei cruoris
Vasta Charybdis,

Arbiter belli truculente Mavors!
Nonne plus præstat placidis amoris
Civium gratos animos triumphis
Ducere victos?

Hinc ut immunis maneat Cæterva
Palladis, tantos fugiatq; casus
Nunc Duces Doctos sequitur, sibiq;
Pandit ASTLV.M.

Anteit Magnus Genius **EVZENI**
Quem Sopbum celsis posuit Cathedris
Pallas, & Suada decus erudite,
Tollit in altum.

Mira virtutis Sapienciæq;
In Viro regnat sociata semper
Vnitas, quem jam rediens secundo
Purpura vestit.

Hinc tenet Summos Procerum favores;
Erebit fortis **WIELOPOLSCIANVS**
Cornipes, ejus meritum per amplum
Culmen Honoris.

Summa Parnassi Cracidum voluptas
Clare **PROFECKI**, probitatis icon
Mentis excelsæ Sapienciæq;
Rhabus es alter.

Ingeni quantum documen Lycaeis
Lechicis monstras, Cathedrisq; summis
Mentium victor fueris, loquuntur
Publica Rostra.

Principem sedem venerandus Ostro
Porticus Nostra solitus tenere,
Principum Doctor, meritas curules
Rite capeſſe,

LISOWI laudes mea Musa nescis
Eloqui, digno celebrare plaufu,
Quem colit Pindus Novoduorſcianus
Laude perenni,

Quem ſtupent docto Cracides Camena
Quando Stagyra genio Meliſſos
Atq; Leucippos ſuperat ligata
Dogmata ſolvens.

Seu placet Tulli fluidus loquendi
Atq; ſcribendi modus, & Maronis
Vena, facundo veniunt ab Ore
Flumina ſandi.

Ergo cum tantis Ducibus pericla
Temnimus, nec non celebres ASYLI
Prædimus metas, memori referre
Pectore grates.

Currimus, Votum Superis ad aſtra
Mittimus, claras numerare fauſtos
Vt dies poſſit, Piliq; vivat
Ternio ſæclum,

ASYLUM REGINÆ SAPIENTIÆ ERECTVM.

I.V.D. NICOLAO STETKIEWICZ Leop:

ASYLVM Herculis Athenis institutum. cum Lemm:
Contendis tutus Duſtore Leone.

PAssibus ambiguis non vnus tentat ASYLVM
Prædere; ſed ſubitò funeſta pericula caſu
Cepta negant, medioſq; ſolent infringere grefſus:
Ac Tu magnanimus, cūm prodiſ, cuncta pericla

STET:

STETKIEVI ; temnis generoso culmine mētis:
 Nempe Leo socius, nativâ sede remotum
 Te comitatur ovans, ingentes & ciet ausus.
 Sed magè virtutis propriæ conamine tendis,
 Quò Te tuta quies, quò Te Sapiencia Mater
 Advocat ; Hæc quantis votis Te vendicat, atq;
 Cecropidum petière Lares, & docta Cleanthis
 Atria ? Forma Viri non tam miranda Camænis,
 Quàm dum se medijs pollens facundia Rostris
 Exeruit, flexitq; animos, imitata Quirini
 Eloquij Patrem : Tùm Te Sibi Vultus amænus,
 Virtutis Species commendant ; atq; Corymbo
 Hoc viridante Caput circumdant ; qui Tibi faustè
 Germinet & vireat majori semper honore,

II. V.D. ANDREÆ TVCY Crac:

ASYLVM Cadmi Thebarum Conditoris. Cum Lemm:
Alitibus faustis jam prendis ASYLVM.

L Auream Phæbus Tibi dat Coronam,
 Flosculos nectit Chorus eruditus,
 TVCII: doctam redimire frontem,
 Semper anhelans.

His manes dignus, bona quæ Minerva.
 Prædis, & scire genio sagaci
 Explicas artes, & in alta tendis

Dogmata vatam.

Emicat virtus, pietasq; magna,
 Quâ colis Cæli Dominum, Parentem
 Numinis castam venerando, Sacra

Vota frequentas.

Ergo jam faustis oriunde testis,
 Atq; Lucinâ celebri, serenos
 Infer in postes caput eruditum

Prosper. ASYLVM

Occupa dextris Avibus, Craciq;
 Floreas Musis, probitatis omnem
 Exhibe normam, studiisq; celsi

Serta capeſſe.

IV. V. D. IOANNI WVIOWSKI.

ASYLVM Ajacis, quod in Rhæteo littore innocentibus tuendis ex-
truxerat: Cum Lem: Phæbo comitatus adibis.

Cum nos bella premant horrida tam diu,
Cum Bellona furit, nec requiescere
Nostras Pegasides finit:

WVIOWI probitas luctiferam fugit
Fati sævitiem; nec penitus timet
Belli summa pericula.

Nam tutus sapiens, sanguineum licet
Mars bellum moveat, diraquæ funera
Terris multiplicet nimis.

Ingentes animos dat Sapientia,
Quam nunc ingenuè WVIOWIVS colit,
Gaudens præsidio bono.

Phæbus Laurigeris cinctus adoreis
Invictum comitem Te sibi præstitit
Lauro condecorans Caput.

Faustis ergo celer passibus advola
LVCAE, quod traheris culminibus Tui;
Vivens Pierio Choro.

V. V. D. IOSEPHO POLECKI.

ASYLVM Achillis Græcorum fortissimi, in Sygæo constitutum.
Cum Lemm: Fortis dum vadit, apertum.

Græcia summum decus, ac Achivi
Nominis præstans basis & columna,
Inter heroas melior Pelasgos,

Dexter Achilles,
Pandit, ad Portum positus Sygæum,
Inclytos magni titulos honoris;
Tuta quod cunctis referet benigni

Limina ASYLII.

Hæc subintranti Tibi gratulari
Debeo; largos recipis favores,
Grande virtutis pretium, celebre
Culmen honoris.

Fortis es nec, Te validi labores
Docte POLECKI tenuare possunt:

Quos triumphali superas lacerto,
Herculis instar.

Crescet

*Crescet in Stoa Tua Fama; cuius
Prælijs doctis aderas frequenter;
Crescet æternum rutilans modesta
Gloria mentis.*

VI. V. D. MELCHIORI KICINSKI,

ASYLUM apud Moloissos situm, festinantes in securitatem recipiens:
cum Lemm: Properata prosperata.

STellarum Cursus celeres, motusq; Polorum
Continuos certè mens sapientis habet.
Nam prout Vranie gaudet non deside passu;
Sic animus docti currit ad astra libens.
Ac velut Astrorum Princeps festinus in Ortum
Lustrat in æthereis culmina cuncta locis.
Sic sapiens, ratione means, per climata mundi
Cælestis rapidum transilit Orbis iter.
Hæc tua KICINI, signat molimina mentis
Excelsæ Pallas, fausta precando Tibi.
Ad sacrum cursu propero dum tendis ASYLUM,
Ductor Aristoteles, Te comitatur ovans.
Assistit Regina Tibi Sapientia, cuius
Ingredieris passu limina celsa celer.
Scrutator Cæli vigilans, studijq; superni
Cultor, ut à superis præmia digna feras.
Cæptos perficias cursus, altæq; Cathedræ,
Taliter Vranies omine certus eris.

VII. V. D. IOANNI STANISZOWSKI,

ASYLUM Palladis, quod, in Templo ejus Lacedæmonij reverenter
habebant: *cum Lemm: Salus à Pallade fertur.*

STupenda raro gesta Quiritium
Vicere facto tunc Lacedæmoni,
Dum Palladis sumptu superbo
Magnificum posuere ASYLUM.
Nam quid necesse est imperio magis,
Quam templa docti Numinis? ut suam
Defendat asecras ad Aram,
Qui fugiunt rudicatis hostem.
Hanc Tu steristi rite faventibus
Divis, ad Aram, docte STANISZEVI;
Qui barbaros vitans Corabos
Palladium petisti ASYLUM.

*Secura duces tempora, & ampliùs
 Non pertimesces tela Licinij;
 Quæ senserat Cæus, Minervæ
 Præsidio spoliatus omni.
 Sic eruditis eloquiij feres
 Munimen alium dotibus, & novum
 Honoris augmentum parabis,
 Nectareæ gravitate Suadæ.*

VIII. V. D. CASIMIRO PIATKOWSKI,

ASYLVM Osiridis in Ægypto juxta Saim positum;
cum Lemm. Proteget ipse labor.

DEcipitur, validam quisquis super arce quietis
 Protectionem queritat.
 Nunquam tutus erit, quem deses inertia vano
 Scuto, cupit defendere.
 Quippe gravi cunctos suevit socordia casu
 Propellere in pericula.
 Defendit melius proprios labor ipse clientes,
 Omnes fugans injurias;
 Alcida potuit cunis servare jacentem,
 Ab anguibus Iunonijs.
 Illius ad nitidum quisquis concurrit ASYLVM,
 Nunquam caret tutamine.
 Ingrediare patens hoc limen Osiridis alium,
 Magnus labor Te proteget.
 Qui securus abhinc vincendas ibis in omnes
 Perplexitates arduas.
 Quas, vel Aristoteles Princeps Ductorq; Sophorum;
 Obtrudet inter porticus;
 Vel præstans Cicero, Romanæ gloria Suadæ,
 Opponet inter exedras.

IX. V. D. GEORGIO KOSTOWSKI,

ASYLVM Ithacensium Iovis Servatoris Arâ insignitum. *cum Lemm.*
Superum protectio tuta.

IThaca dextra quadro quondam de Marmore Sacrum
 Scatori pietatis opus, quod struxit ASYLVM;
 Auspicio meliore Tibi vult ecce dicari
 KOSTOVI. Decuitq; Iovis posuisse præaltam
 Aram; cum virtus cultu comitata modestæ
 Mentis ad excelsos placidè consurgit honores.

*Arpinas Tibi sponte suum cecisse videtur
 Eloquij suadaeq; decus, Stoicumq; Lycæis
 Ingenium patuisse Tuum testatur aperte.
 Constans nempe foret cum mens Tibi; nec quoq; Spartas
 Linquere suavisti, duros sed ferre labores.
 Sic solidus solide postquam præstantia nosces
 Dogmata, nec varijs vinci patereris Elenchis,
 Musa Tibi merito præsens attollit ASYLUM;
 Unde venire solet superum protectio tuta,
 Quæ casus vincens fert munera larga bonorum.
 Ergo tutus eris tanto munimine felix,
 Nec metam pones venturo doctus honori.*

**III. V. D. CASIMIRO
 GLADYSZOWSKI
 Primæ Laureæ CANDIDATO,**

Authori Operis,

in vim fraterni affectus

IOANNES WVIEWSKI

Ejusdem Laureæ CANDIDATUS,

**Aram Delphicam Apollinis, & Laurum eidem Sacram contra fulmina
 fatorum, ASYLA & ornamenta offert,**

CVM LEMMATE:

Tutatur & ornat.

Absiste Mavors prodigialibus
 Orbem ruinis tundere, fulmina
 Belli cruenti, quæ perurgent
 Viscera terrigenum, retorque.
 En eruditis mentibus optimam
 Apollo Ductor lauripotens gerit
 Mali medelam, Delphicoq;
 Protegit innocuas ASYLO.
 Dilecta Musis Pignora qui canit
 Docto Cothurno, Castalio cui
 Implevit ora melle Phœbus,
 Suadaq; dulciloquis recoxit;
 Demonstrat aram ducit & intima
 Suos amicos in penetralia,
**GLADYSZOWI pulcher, catervæ
 Aoniæ decus & corona.**

Præclara docti pulpita consili
 Viri probabant robur in arduis,
 Firmumq; pectus & paratum
 Difficiles refecare nodos.
 Ergo peramplis dignus adoreis
 Dexter Lechæas Pegasides diu
 Saturnium colat per ævum,
 Numinibus placeat supernis.



SUB FELICISSIMO REGIMINE,
Magnifici, Perill. & Adm. Rñdi Domini,
D. M. ANDREÆ
KRUPECKI,
 I.V. Doct: ac Prof: Ecclesiæ Collegiatæ, SS.
 Omnium Crac: Custodis, Curati Luborzy-
 censis, Roszczeviani & Contubernii Philoso-
 phorum Provisoris, Canonizationis B. IO.
 ANNIS CANTII Procuratoris, Studij
 Almæ Vniversitatis Cracoviensis
 Generalis ac Vigilantissimi
R E C T O R I S.

Biblioteka Jagiellońska



stdr0025682

